



Infos, Neuigkeiten und Vergangenes für d'Passivmitglieder und alle Freunde von der Wageclique, Gyzgnäbber Alti Garde 1986

Verfasser: Dr. Obma Beni Schwab

Basel, im Jänner 2019

Liebe Ehre-, Aktiv- und Passivmitglieder, sowie alle Freunde von der Wageclique.

D' Zyt vergoot wie im Flug, dr Vogel Gryff, isch am 26. Jänner gsi und jetzt steen uns noo die 5 letzte Arbeitssamschdige vor dr Fasnacht bevor. Dr Wage ist gut vorbereitet, Moolerarbeite sind fertig und jetzt goot's aa d'Dekoratione und vieles Anderi.

Wieder könne mir uff Hilf vom René für Wagesprüch und's schrybe zrugge gryffe!! Viele Dangg aa René.

Mir sind also bereit für de 11. März. Im Aahang findet ihr e Zämmestellig wo mir vom 11. bis am 13. März z'finde sind, mit Aafang und Aend vom Cortège, em Wageapero ca. ab 17'45 Uhr oder schpöter, je nachdäm wie mir faare könne, und denn am Zyschdig uff de Kasärne bi de Wageuschellig vo 14'00 bis 18'00 Uhr.

Vorusbligg: am 9. Hornig wird unsere Raclettoobe si, Neu im Clubhuus/Depot vo de Basler Pontoniere, St. Alban Rheinweg 255, 4052 Basel, mir werde e tolle Käs vom Wirth mit Biilaage aesse kenne. Mi Dangg do goot jetzt scho an unseri Kuchibrigade, neu wärde mir vo de Gyzgnäbber selber die si. Also alli Hälfer vo unsere Clique, vor allem im Beni und Bruno für de Ykauf und Aalieferig, gilt mi Dangg. Mir wärde dä Alass sicher im 2020 wieder im Programm ha.

Es wird au spezielli Wy gäh, wo mir vo de Clique zumene nit ybertriebene Brys an euch abgäh wärde. Z.B. e Aigle les Murailles Fläsche für Fr. 30.00 oder e St. Saphorin 2016 für Fr. 25.00.

Ich glaub das sind super Wy zu däm feine Käs.

Blaggedde 2019; Wer no e Blaggedde bruucht, ka sich bi mir, Beni Schwab, gärn mälde, unter 079/454'66'62 bitte mit sms oder Festnetz: 061/691'40'25 oder Mail unter benni.schwab@hispeed.ch.

Di wo bi mir e verkromti Blaggedde voruss bschtellt händ, ich ha di drby und ihr bekömmet di denn.

E Hilight wird si: mir könne Euch sit langem wieder emol unseri Larve und Goschdym vorschstelle und präsentiere; bi gspannt was ihr meinet. Ev. liegt au de Zeedel zum Vorläse bereit. Ich freu mi mit euch, dä Obe zverbringe kenne.

Ussbligg:

Geburtsdaag vo unsere Mitglieder/innen (halbe oder runde) bis Aendi April 2019; nach em Datum;

30. März Marianne Waldburger zum 60. Geb.

2. April Mario Lardelli zum 70. Geb.

26. April de Fritz Niederhauser zum 92. Geburtstag

Aggtivi und Ehremitglieder händ im 1. Quartal kaini Geburtsdääg.

Mir vo de Gyzgnäbber wünsche euch allene einfach nurs Beschte und alles Gueti im neue Läbensjoor, mir mälde uns noo bi Euch denn perseenlig, mit em ne Geburtsdaagskärtli.

E neus Passivmitglied:

Ruedi Affentranger e gute Kolleg/Fründ vom Obmaa. Willkomme in unserer Familie.

E frindlichchi Erinnerungig:

Um au i dämm Joor wieder e tolle Wage präsentiere z'könne, sind mir au uff euri finanzielli Mithilf aagwyse. Darum bitte mir diejenige, die de Passivbytraag noo nit yzaalt hänn, das doch no nooche z'hole. Es lohnt sich!

Zur Erinnerungig: Einzel Mitgliedschaft koschtet nur Fr. 30.00
Neu: Familie Mitgliedschaft Fr. 50.00 im Joor.

Do au no e grosses Danggschön a alli, die de Bytraag scho yzaalt händ, a diejenige, wo uns e Spänd oder eifach dr Bydraag uffgrundet hänn.

Merci vielmools.

Fyr d'Wageclique Gyzgnäbber Alti Garde

dr Obmaa

Beni Schwab

Cortège

Inneri Route am Mäntig, 11. März 2019,

Besammlig vo de Aggtive um 10'00 Uhr bim Pub, Fair und Square, Clarastross Punggt 28 Lade vom Wurfmaterial.

Abfaart uff e Cortège hinter dr AGB um 13'30 Uhr, via Wettsteinbrücke zum 1. Halt

1. Halt: ca. 14'15 Uhr in der Rittergasse mit Zvierihalt, bis gäge 15'00 Uhr.

2. Halt: ca. 15'30 Uhr im Ruum Streitgasse bym Cafe Huguenin, bis 16'10 Uhr.

3. Halt: ca. 17'00 Uhr bim Rest. Rähhuus, Ende des Cortège denn Vorberaitig für e Apéro, dä fängt ca. gäge 17'45 Uhr aa. Yglaade sind alli Passive und Frinde vo uns. Drnoch Verschiebig uff d'Kasärne.

Ab ca. 20'30 Uhr sind mir denn bim z'Nachtässe im Rest. Global, Claragraben 101.

Wär vo de Passive und Fründe gärn dort debi si wött, ka sich bim Obmaa mälde.

Danach göön mir no go Gässle bis?????

Zyschdig de 12. März, mir sind an der Kasärne ‚Wageusschtellig‘ ab 14'00 Uhr

Mir zaige allne unsere Wage und wär kunnt, bekunnt sicher öbbis z'trinke und ka au e feini Wurscht vom Grill gniesse! Mir dörfe nüt verkaufe, aber wär will ka öbbis in Säulibuuch tue als Obulus/Spende. Mir freue uns jetzt scho, vieli vo euch begrüsse z'dyrfe!

Uff di 16'00/16'30 kömme au no Spezi(B)alischte, e Gugge, zum ene Ständeli verby uff

d'Kasärne, spööter wärde denn au ev. noo Polteri, e Tamboure Gruppe vo der AGB koo, um uns eins z'spiele. Schluss wird denn gäge 18'00 Uhr si.

Drnoch göön mir go Z'Nachtässe und gniesse aifach dr Oobe.

Uesseri Route am Mittwoch, 13.März 2019

Besammlig vo de Aggtive um 09'45 Uhr bim Mässeplatz, Lade vom Wage dort will unsicher isch wege de Baustell in der Kasärne, Tramhaltschtell Nr. 15, bim Punggt 23

Ab ca. 13'30 Uhr Photoshooting vor em Wage, Abfaart hinter AGB um 14'10 Uhr via Clarastrooss, mittleri Brugg, denn erschte Halt.

1. Halt: ca. 15'00 Uhr bi dr Spiegelgass, BKB oder PP Spiegelhof mit Zvierihalt bis ca. 15'50

2. Halt: ca. 16'20 Uhr in der Theaterstrooss bim Schauspielhuus bis ca. 17'00 Uhr.

3. Halt: ca. 18'00 Uhr Aendhalt, Usleerete Ruum Wettstaiblatz, bi de Wettstei Abideegg im Claragraben bis ca 18'30 Uhr, dernoo verschiebe vom Wage zur Hochbergerstross.

Aesse ab ca. 20'00 Uhr/ mir münd dort si um 19'30 Uhr im Rest. Sonne, Rygasse.

Wenn e Passive oder Fründ, dort de bi will si, bitte bim Obmaa mälde

Nach em Aesse goots in d'Stadt zum Gässle bis!

Dr Räscht isch noo unbestimmt, mir luege eifach. Träffe aber sicher e mol d'AGB.

Eins isch sicher. Begräbnis isch am 04'00 Uhr irgendwo in dr Stadt.

Mir, alli Aggtive vo de Gyzgnäbber Alti Garde wünsche Euch und uns, 3 scheeni Fasnachts-Dääg und hoffe uff schöns, aagnääms Wätter.

Dr Obmaa

Beni Schwab



Infos, Neuigkeiten und Vergangenes für d'Passivmitglieder und alle Freunde von der Wageclique, Gyzgnäbber Alti Garde 1986

Verfasser: Dr. Obmaa Beni Schwab

Basel, im August 2019

Liebe Ehre-, Aktiv- und Passivmitglieder, sowie alle Freunde von der Wageclique.

D'Zyt vergoot und scho isch wieder bald Endi August!! Die erste Sitzige mit der AGB wägem Sujet 2020 händ statt gfunde. Es isch zum erwarte, dass bis Endi Monat Sujet vorliegt und mir den mit der Planig vom Wage, Larve und Kostüm afange könne.

Unseri Fasnachtsvorbereitig fürs 2020 laufen auch scho und dr 2. Wagebautag mit em Molle, 2. Grundierig vom Wagge, uf unserem Bauplatz bi de Familie Jenny im Frankreich hät statt gfunde.

In dieser Ausgabe erhaltet Ihr zusätzlich das Protokoll der ordentlichen Generalversammlung vom 31. Mai 2019 und den Obmaa-Bericht Fasnacht 2018/2019. Elektronisch oder schriftlich zugesendet zur Einsicht und eurer Kenntnisnahme.

Ussbligg:

Geburtsdaag vo unsere Mitglieder (halbe oder runde) bis November 2019; nach em Datum!

Unseri Aktive und Ehrenmitglieder bis November 2019

- 1. September Ernst Zwahlen zum 76. Geb. Ehrenmitglied, Felix Weber zum 63. Geb.
- 8. Oktober Urs Roth zum 63. Geb. Ehrenmitglied Obmaa

Unseri Passiven

- 24. August Beat Zimmermann zum 65. Geb. 3. September Olga Heuberger zum 66. Geb.

Begründung Olga Heuberger trat 2018 als Familienmitglied bei, wurde nicht gratuliert!

- 9. September Daniela Berger zum 55. Geb. 20. Oktober Melanie Oberli zum 30. Geb.

Mir vo de Gyzgnäbber wünsche euch allene einfach nure Beschte und alles Gueti im neue Läbensjoor, mir mäde uns noo bi Euch denn perseenlig, mit em ne Geburtsdaagskärtli.

Begrüssen möchte ich alle neu eingetretenen Passivmitglieder im 2019 in unserer Gyzgnäbber Familie!

Es ist dies: Olga Heuberger Herzlich Willkommen.

Leider haben wir auch Austritte zu verzeichnen:

Diesen Passivmitglieder danke ich für ihre langjährige Treue zu uns und wünsche euch alles Gute auf eurem weiteren Lebensweg.

Wir bedanken uns bei allen Passiven die den Mitgliederbeitrag und allenfalls eine Spende einbezahlt haben. Merci vielmool!

Voranzeige:

Am Samstag, den 9. November 2019, findet wieder die traditionelle Metzgete bei den Strübins in Maisprach statt. Urs Roth wird in einem eigenem Versand noch dazu einladen, da evt. Die traditionelle Wanderung stattfinden wird. Diejenigen die bereits wissen, dass Sie an diesem Anlass dabei sein werden, bitte ich jetzt schon, sich bei mir anzumelden.

Ihr erhaltet von Urs Roth trotzdem die Einladung, dort sind dann alle Informationen enthalten.

Schriftlich an: Bernhard Schwab, Am Bahndamm 3, 4058 Basel, Tel. 061/691'40'25 ab 19'00 Uhr, SMS unter 079/454'66'62 oder dann mittels Mail an: benni.schwab @hispeed.ch.

Ich hoffe, dass wir einen schönen Tag zusammen verbringen können.

Der **Racletteplausch** wird voraussichtlich am 1. oder 8. Februar 2020 stattfinden. Näheres dazu im nächsten Infoschreiben.

Zu unseren **Hocks**: Diese finden jeweils an einem Freitag statt.

Ort: im Rest.zum Rebhaus, Riehentorstrasse 11, 4058 Basel ab 19'00 Uhr ist ein Tisch reserviert zum Essen und dann ab 20'00 Uhr finden die Sitzungen statt.

Die Daten sind die folgenden:

20. September, 18. Oktober, 22. November, Weihnachtshock am 20. Dezember 2019.

Die neuen Termine erhaltet ihr dann in der Info Nr. 8 welche im Nov/Dez. erscheinen wird.

Wer von euch Passiven mal dabei sein möchte, meldet sich bitte beim Obmaa an.

Wer von Euch auch mal an einem Wagenbau dabei sein möchte oder Lust hat zur Mithilfe ist ebenfalls herzlich eingeladen, Anfragen über unseren Obmaa: 079/454'66'62. Dieser gibt gerne Auskünfte an Euch.

Diese finden ab 19.10./23.11./07.12./14.12. wieder regelmässig statt. Weitere Infos dann in der Info Nr. 8.

Gerne nehmen wir ab Dezember 2019, wieder eure Bestellungen für die Fasnachts Blagette 2020 auf! Diese können einfach vorbestellt werden, bei einem unserer Aktiven oder direkt beim Obmaa mit einem Mail: Es gibt wie immer Gold-, Silber-, Kupfer-, verkromte Blagette auf Kupferbasis zum Preis von Fr. 15.00 und das Bijou.

Wir bedanken Uns jetzt schon, dass ihr uns für Eure Bestellungen berücksichtigt!



Infos, Neuigkeiten und Vergangenes für d'Passivmitglieder und alli Frinde vo dr Wageclique, Gyzgnäbber Alti Garde 1986

Verfasser: Dr Obmaa Beni Schwab

Basel, im Oggtober 2019

Liebe Ehre-, Agktiv- und Passivmitglieder, sowie alli Frinde vo de Wageclique Gyzgnäbber Alti Garde 1986.

D` Zyt vergoot und scho isch wieder Aendi Oggtober!! Mehreri Sitzige mit der AGB übers Sujet 2020 hämmer stattgunde. Mir hänn eins gfunde und am 25. Oggtober hett unseri Partnerclique AGB ihri Sujetpräsentation kaa und mir wärde diesmool s`Sujet wieder ibernää, will mir voll dr hinter schtoo kenne. Leider derfe mirs noonig kommuniziere. Do miend Ihr Euch bis zum näggschte Schryybe gedulde! Oder wenn dr Rädäbäng usekunnt, den könnet ihrs läse.

Unseri Fasnachtsvorbereitig fyrs 2020 laufe; Mehreri Wagebaudäg mit em Moole und Grundierig vom Wage und Schwartebretter montiere und em Moole vo de Styropor-Steine bruucht viel Zyt uff unserem Bauplatz bi de Familie Jenny im Elsass! D`Planig für d`Larve und d`Goschdym isch ebefalls fertig; d`Uffdräg drfyr sind erteilt. Mir sind bereits 3 x am Wagebau gsi. Wer möchti ka uns gärn emool go bsueche koo. Do bitte bim Obmaa mälde. Tel. 079/454'66'62 git euch gärn Uskunft. Nächsti Bauzyte sind de 2. und de 23. Novämber und den de 7. und de 14. Dezember sofärns die bruucht.

Ussbligg:

Geburtsdaag vo unsere Mitglieder (halbi oder rundi 10er) vo Novämber 03 bis Jänner 2020 hett`s Folgendi! Sott aber öbber vergässe gange si, trozdam alles Gueti. No besser du mäldisch di bi mir.

Unseri Passive

- 14. Dezämber Markus Amiet zum 55. Geb.
- 17. Dezämber Gerhard Fink zum 70. Geb.
- 25. Dezämber Patrick Volken zum 50. Geb.

Unseri Aggtivi/allenfalls Ehremitglieder (do führe mir jedes Joor uff)

- 03. Novämber Felix Willaredt (neuer Probefasnächtler!)
- 07. Dezämber Obmaa Bernhard (Beni) Schwab zum 59. Geb.
- 09. Dezämber Franz Zahner zum 60. Geb.
- 27. Dezämber Bruno Willaredt zum 39. Geb.

Mir vo de Gyzgnäbber wünsche Euch allene eifach nurs Beschte und alles Gueti im neue Lääbensjoor, mir mäld e uns noo bi Euch denn perseenlig mit emene Geburtsdaagskärtli.

Leider hänn mir au Usstritt z'verzichne:

Dene Passivmitglieder dangge mir fyr ihri Treui zu uns und wünsche ihne alles Gueti uff ihrem wytere Lääbenswäg.

Im Juni händ ihr mit unserem Yzaaligsschyy n e frindligi Ylaadig zur Zaalig vom Mitgliederbyytrag 2019/2020 bikoo. E grosses Danggescheen an alli diejenige, wo scho ihre Bydraag zaalt händ oder sogar noo e zusätzlich Schpänd gmacht händ.

Merci vyylmools!

Leider hänn einigi von Euch dr Passivbyytrag fyr 2019 bis 2020 noonig yyzaalt..

Mir wärde dene noonemool e Yzaaligsschyy n zue stelle, mit dr frindlige Bitt, drvo Gebruuch z'mache. Mir dangge Euch scho im Vooruss. Ihr wüsstet joo: Bi uns zellt jede Frangge.

Aggtive-Ussflug 2019

Mir händ am 12. Oggtober en Ussflug ins Val de Travers gmacht. Am halbi Nyni hämmer mir uns in der SBB Schaltherhalle besammet, denn de Zug nach Biel gnoo und vo deert bis Neueburg, de ins Val de Travers in d'Asphalt Mine. Deert hämmer mir e Fierig ka in der Mine und denn aschliessend im eigene Restaurant sensationelli Schungge mit Bilage gnosse, wo im Asphaltmantel gaart worde sind. Es Dessert mit em ene Schuss Absinth hett au nit derfe fääle. E Danggscheen an Beni, wo die erschi Runde zaalt het und an Urs, wo de Wyy zum Ässe schpendiert hett. Merci im Personal und de Kuchi für Bewirtig, isch super gsi.

Drnoo is es mit em Zug wyter uff Couvet gange und dört hämmer mir no in ere Absinth Brennerei derfe erfaare wie dä Absinth produziert wird. Aer isch syneerzyt im Joor 1908 verbotte worde und me hett ihn fasch hundert Joor lang schwarz brennt und wyter gnosse! Sicher hämmer mir au vo dere Köstlichkeit, für einige nur e Glas, anderi 2 Gläser und e glaine Teil au no e 3 oder 4 Gläsli degustiert. Do en Dangg an die „grüne Fee“, Gaudenzia Persoz:

Es, isch super interessant und toll bi dir gsi. I glaub mir sind alli froh gsi, wo mir gäge die achti z'Oobe im Heimathafe Basel zrugg gsi sind. No e Dangg a d'Organisatore, de Beni, Franz und Felix. Ich freu mi bereits uf unsere nöchste Aggtive-Ussflug im Oggtober 2020.

Voraazeige: Bitte in Eure Agände vormeergge:

Am **Samschtig, am 8. Hornig (Februar) 2020**, findet wieder **s'traditionelle „Racletteässe“** statt. Achtung es git e glaini aenderig:

Besammlig wird uf di

Fünfi (17'00 Uhr)

vorverlegt und Apéro wird aschliessend gmacht, Ziel drvo isch, dass mir uff die

Sächsi bis Viertelab (18'00 - 18'15 Uhr)

mit äm Raclettässe aafange wärde kenne. Es git so weniger Klumpe im Mage !!??

De Bruno Willaredt wird Euch anfangs Jänner noo mit em ene separate Versand drzue ylaade. Die, wo scho wüsse, dass sie drby sy mechte, kenne sich bi mir wie folgt aamälde:

Schriftlich an: Bernhard (Beni) Schwab, Am Bahndamm 3, 4058 Basel, Tel. 061 691 40 25, SMS an 079 454 66 62 oder Mail an: benni.schwab@hispeed.ch.

Ihr wärdet vom Bruno Willaredt trotzdämm d'Ylaadig bikoo; dört sind denn alli Detailinformatione druff. Es wird am alte Ort bi de Pontonier, nämlich an der Breite bim Rhy unde sy.

Ich hoffe, dass mir zämme e scheene Oobe verbringe wärde kenne.

Personelles fyr d'Fasnacht 2020

De **Roberto Wolpert** pausiert, drfyr macht unsere altdienti **René Willaredt** wieder mit und erschtmools isch au si Sohn de **Felix Willaredt** uf em Waage drby.

E wytere Neuzugang isch de **Tahir Sürüm**. Dr Felix und de Tahir sind unseri Aawärter fyr die nöggsschti Fasnacht.

Morgestraich: Wird am 2. März 2020 wieder am 04'00 sy.

Im nöggsschte Infoschryybe Nummer 9 wärdet ihr gäge Aendi Jänner/Aafang Februar 2020 alli Informatione zur Fasnacht 2020 bikoo.

Unsere Cliquen-Hocks:

Diefinde jewile am ene Frytig Oobe wie folgt statt:

22. Novämber 19'00 Uhr Besammlung

20. Dezember = Weihnachtshock, 19:00 Besammlung und gemeinsames Essen

2020 wird wie folgt yglütte:

17. Jänner 2020

21. Hornig 2020

im Rest. zum Rebhaus, Riehentorstrasse 11, 4058 Basel.

Ab Siebeni (19'00 Uhr) isch e Tisch reserviert zum Aesse und denn ab Achte (20'00 Uhr) finde d'Sitzige statt. Wer vo Euch Passive emool drby sy mechti, mäldet sich bitte bim Obmaa aa.

Die wytere Termin findet ihr denn in der Info Nr. 9, wo Aendi Jänner / Aafangs Februar erschyne wird.

Me kaa au emool am Wagebau drby sy oder gar mithälfte. Do drzue sind Ihr au härzliggscht yglaade. Die finde ab 11. Oder 18. Jänner wieder regelmässig statt.

Aafrooge laufe uss organisatorische Gründ wie immer iber dr Obmaa

Beni Schwab, Natel: 079/454'66'62. Aer gitt Euch gärn witteri Usskünft.

Vorussbligg uff d'Metzgete:

Am **9. Novämber** hänn sich bis jetzt folgendi. 13 Teilnähmer uss dr Gyzgnäbber-Familie aagmäldet, woi dr Wäg unter d'Füss wärde nä und sich mit dem Zug, Bus oder Auto nach Maisprach verschiebe wärde:

Beni, Franz, Felix, René und Felix, Jügge, Jolanda, ev. Isabella, Piet, Werni, Peter und Daniela, Markus.

Wyteres könnet Ihr denn in dr Jänner/Hornig Ussgoob läse. Jetzt scho viel Vergniege.

Vorussbligg uff d'Blagedde

Gärn nämme mir ab Novämber 2019 wieder eure Bschtellige fyr d'Fasnachts-Blagedde 2020 entgäge! Die kenne aifach bi aim vo unsere Aggtive oder diräggt bim Obmaa per Mail vorbschtellt wärde.

Es gitt wie immer Bijou, Gold-, Silber-, Kupfer-Blagedde vom Comité. Dr Bryys sött aigetlig glich blyybe. Wenns troztdämm Aenderige git, wärde mir Euch das rächtzytig mitteile.

Wenn Ihr Blagedde vor em 20. Dezämber bschtellet (intärns Mäldedatum), denn isch dr „Waggis Eures Vertrauens“ drfyr bsorgt, dass Ihr sie unmittelbar nach dr **Ussgoob** am **Samschtig, dr 4. Jänner 2020** bikemmet.

Speziell mechte mir au uff unseri verchromte Blagedde hiwyys: Ich bi noo am Abkläre, ob ych die fürs 2020 wieder aabiete kaa. Infos dryber in der Raclette-Ylaadigg 2020 im Jänner. Sie wärd uff Kupferbasis zum Bryys vo Fr. 15.00 aabotte. Die Rarität isch nur bi uns erhältlich und muss bim Beni Schwab bschtellt wärde. Es wird e eimoolige Bschtellig gmacht und es sind keini Nochbschtellige meeglig!

Mir bedangge uns jetzt scho, das Ihr „die Gyzgnäbber Alti Garde“ fyr Euri Bschtellige berücksichtigt! Ihr wisst joo: Mit Eurem Kauf unterstüzte Ihr auch massgäblig unseri Kasse.

Fyr die Aggtive:

Obacht: Am **Samschtig, 4. Jänner 2020**, isch „Blagedde-USgoob“ ab 11:00 Uhr im Rest. zum Rähhuus, wo ihr Euri Erschtbschtellige abhoole kennet.

Wichtig: Dängget dra: Dr Bruno muess bis spöteschtens am 20. Dezämber Euri Erschtbschtellig ha.

No e Tipp; Göhnt doch auch wieder e mol in unseri Homepage: www.gyzgnäbber.ch, es hett deert tolli Fotis vo de letzte Fasnacht 2019 und vieli vo vorhär, au vom Stamm.

Fyr die bevorstehendi Advänts- und Wienachtszyt winsche mir Aggtivi Euch und Eure Familie Bsinnlichkeit und e nit allzu stressigi Zyt mit Ykauffe, drfür umso meh Zyt mit feynem Aesse und Dringge.

En gute Rutsch ins 2020, beschti Gsundheit, alles Gueti, viel Glügg und fürs ganzi Joor nurs Beschte, das wünsche mir Aggtive Euch allne!

Fyr d'Wageclique Gyzgnäbber Alti Garde

Basel, im Ogtober 2019

de Obmaa

Beni Schwab